

**REGIONAL NEWS BULLETIN  
HEADLINES (EVENING)**

**Date – 08/11/2024**

**Time - 18:30 -18:40Hrs**

- Sinlung Hills Council-a sorkarna siam tura an inpeih thu MNF leh HPC ® Legislature Party member ten Aizawl DC hnenah an thlen.
- Sorkar laipui scheme PM Vishwakarma hnuai hmalakna peng pawimawh tak pakhat - thing mistiri training chhuak mi 61 hnenah Certificate hlan a ni.
- Jharkhand leh Maharastra Assembly inthlan atan Political Party ten campaign ngawrh takin an nei mek.
- President Draupadi Murmu-i chuan eirukna nuai bo tura sawrkarin ngaihnamna awm lo policy a kalpui chu a tha tawk tih a sawi.

<><><>

**SHC**

Sinlung Hills Council-a sorkarna siam tura an inpeih thu MNF leh HPC ® Legislature Party member ten Aizawl District Commissioner hnenah an thlen a,

A hma thei ang bera sorkar an siam theihna tura hmalak sak turin an ngen nghal a ni.

Sinlung Hills Council MNF & HPC (R) Member tling thar mi 7 te lawmna hun chu wawin khan MNF Party Office Mizo Hnam Run ah neih a ni a, MNF Sr. Vice President Dr. R Lalthangliana chuan thusawin he hnehna hi MNF chakna vang ngawr ngawr ni lovin, Mipuite hnehna a ni a ti a. Mipui Party, Mipui ta, Mipuite tana ding thin MNF party hnehna an chantir ta a ni, a ti.

ZPM General Headquarters Office a PAC Extended Meeting wawiina neih chuan Sinlung Hills Council inthlanna neih zawh tak thlirletin Council huamchhunga Seat pali lai an la chu lawmawm an tih thu sawiin, ZPM Party leh HPC Party te tang dunin sum leh therhlo hmanga vote a zawng ve lo a ni an ti.

Congress Party chuan Congress Bhavan-ah ‘Friday Political Session’ an hmang a, Sinlung Hills Council Member thar Pu Lalrawngbawla, Khawlian bial lawmpuina hun hman nghal a ni.

He hunah hian MPCC President Pu Lal Thanzara chuan thu sawi in, Sinlung Hills Council inthlan atang hian Congress an inlungrual in an inthuru a, nasa takin hma an sawn a ni tih a langchiang a. Council member pakhat chauh a tling chung hian Sinlung Hills Council pum puia vote tla zawng zawng ah sawrkar ta MNF chu vote 185 chiahin an pha lova, sawkar lai ZPM ten Congress Party aini vote 403 in an hmu tlem zawk a ni a ti.

Pu Lal Thanzara chuan Mizorama Small leh Mini Hydel Project engemaw zat chu ZPM sorkarin Delhi mihausa Gundana hnenah an enkawl turin hlan a tum a, hmalakna a kal zel tih thu a dawng ni a sawiin kawlphehtha MW 12 pechhuak thei Serlui hian kum 10 chhunga a hlep chu cheng vbc 78 leh nuai 14 vel a ni a, heti chung a outsource an tum chhan hi hriat a chakawm hle a ni, a ti a, Gundan Green Pvt Ltd hnena hlan a nih hun chuan kum khat chhunga (2023-2024) a power hmuhchhuah atanga sawrkarin Gundana hnena a pek tur chu cheng vbc 12 leh nuai 28 lai a ni, a ti.

Hetianga sawrkarin midang hnena a hlan hian sawrkarin heng Hydel Project te enkawltu a a chhawr PE Staff te hi engtin nge an awm zel dawn tih pawh ngaihtuah tham a ni a ti bawk.

<><><>

**NASHA MUKHT ABHIYAN**

Ruihhlo leh a kaihnawih hrang hrang laka India ram a fihlim theihna tura sorkar laipui Ministry of Social Justice & Empowerment leh Brahma Kumaris tangkawp hnuai hmalakna Nasha Mukht Bharat Abhiyan chu MHIP pawhin a kalpui mek a,

Nimin khan Larsap Dr. Hari Babu Khambampati an he scheme hi a hawng a, nizan khan Bawngkawn YMA Hall ah Directorate of Social Welfare & Tribal Affairs,

Nasha Mukht Bharat Abhiyaan Mizoram leh MHIP General Headquarters te tangkawp chuan ruihhlo do hun hi an hmang a ni.

Kan corr hnen atangin lo ngaithla ang.

**VC**

Directorate of Social Welfare & Tribal Affairs, Nasha Mukht Bharat Abhiyaan Mizoram leh MHIP General Headquarters te tangkawp Bawngkawn YMA Hall a hun an hmannaah hian "Drugs Abuse Prevention among Women" tih thupui a hmangin training a buatsaih a, Pi Ngurmawii Sailo President hoin hun hman a ni.

Pi Lalliani, General Secretary, Pi Lalthanmawii leh Prof. Irene Lalruatkimi, Exe.Committee Member te hnen atanga thusawi ngaihthlak niin ruihhlo laka thalai te him theih nan hmalak a tulzia leh a pawimawhzia te sawiho hun hman a ni bawk.

Training hi MHIP Branch hrang hrangah kalpui tan niin, kalpui zel tura hmalak mek a ni a. Training kaltlang hian mipuite chu Drugs thatloh zia, chhungkua leh khawtlanga nghawng aneih nasat zia te ngaihtuaha Ruhhlo Do kawnga hma lakpui turin MHIP General Headquarters chuan an ngen a ni.

<><><>

**PM VISHWAKARMA**

Sorkar laipui scheme PM Vishwakarma hnuai hmalakna peng pawimawh tak pakhat - thing mistiri training chhuak mi 61 hnenah Certificate hlan a ni a. He hunah hian DC Pu Paul L.Khuman a hmanpui.

DC chuan Mizoram District 11 zingah training chhuak te hnenah certificate sem thei hmasa ber an ni tih a sawi a, Serchhip District mipuite, DC Office a thawktute leh Serchhip District a he scheme kalpuitu Medhavi Foundation te thahnemngaihna vang a ni, a ti a, tun dinhmunah District te zinga hmahruaitu an ni thei chu a lawmawmin a chhuanawm tak zet a ni, a ti. PM Vishwakarma hi mipui nawlpui thleng phak hmalakna a ni a, theihtawp chhuah chuan mi chawi kangtu a ni thei a ni, a ti.

Serchhip District a PM Vishwakarma hmalakna chungchang sawi zautu Dr C.Vanlalchhanhimi, Sub Deputy Commissioner chuan Serchhip District chhung VC zawng zawng te he scheme hnuai an inziahlut tawh thu te, dilna thehluttu mi 2582 awm tawhin District 11 zingah hma an hruai mek thu a sawi a. Dilna lut te hi Nodal Department - Commerce and Industries chuan lo thlifimin DC Office in a pawmpui hnuah state ah thehlut leh thin a ni, a ti.

Kan corr report lo ngaithla zui ang.

Sorkar laipui scheme PM Vishwakarma hnuai Carpentry training hi batch 2 a kalpui a ni a. Training chhuak mi 61 zingah hian hmeichhia pakhat a tel a ni.

PM Vishwakarma hnuai hian trade 18 a awm a. Kutthemthiam te thiamna belhchhah a, an theihna tipunsakin, quality tha zawk an siam theihna tura tanpui chu a thiltum a ni a. Training chhuak mi 61 te hian hmanrua leina tur cheng 15,000 an dawng theuh dawn a. Hei bakah hian zaa 5 a pung, dahkham awm lo loan, cheng nuai 3 thleng an dil thei a ni.

He prog ah hian Khawtlang hruaitu VC te leh official te leh Medhavi Foundation State Head Pu T.Vanlalkima leh a thawhpuite an tel a ni.

<><><>

**LS MP**

Lok Sabha MP Pu Richard Vanlalhmangaiha chuan vawiin khan Mizoram KVI Board Pisa MINECO ami chu tlawhin hmalakna hrang hrangte an thlirho.

Lok Sabha MP Pu Richard Vanlalhmangaiha hi MKVI Board Chairman Pu Lalremliana leh Chief Executive Officer Pu JH Lalbiakliana leh officer dangten anlo dawngsawng a ni.

CEO chuan Lok Sabha MP hi MKVIB din chhan te hrilh in Assembly Act hnuaiia din a nih angina khadi (tualta h puan) leh village industry (industry tenau) chawinung tura hmalak dan leh thalaiten eizawna an neih theih nana buatsaih a nih dante, loan pung tlem zawka industry lama tuite tanpui tura din a nih thu te a tarlang.

MP chuan sorkar laipui lamah KVI hmalakna project hrang hrangte a theih chin chinah lo bawhzui sak a tum thu sawiin MKVI chu nasa lehzuala Mizoram tana tangkai tur Project siama hmala zel turin a fuih a ni.

MKVIB hian an training centre, "Multi-Disciplinary Training Centre (MDTC) Zemabawk ah Mizo thalai mi 3984 chuang thiamna lo pe chhuak tawhin, district hrang hrangah training centre nei tura hmalak mek a ni a. kum 1986 atanga kum 2000 thleng khan loan pe chhuakin, Mizoram tana loan leh grant an pek zawng zawng hi cheng nuai sangsarih zasarih sawmthum pasarih leh point sawmpasarih a ni.

<><><>

### **RRR**

Pu Robert Romawi Royte, MLA chuan inffiammite tana incentive cash award chu sorkar sports dept enkawltuten an hrechiang tawklo a ti.

He thu hi vawiina Aizawl Press Club-a thutharlakhawmtute a kawmna ah sawiin, Sports Minister hlui Pu Robert Romawia Royte, chuan Sports thei bikte puala chanvo 'Incentive cash award rules 2001 chu sports thei bikte duhsakna avangin 'Mizoram sports incentive cash award scheme 2022' ah thlak a ni a ti a. He rules leh scheme te hi Mizo inffiammite leh sawrkar sports enkawltu ten an hrechiang tawklo a, a pawihle a ni a ti.

Pu Robert Romawia chuan Arm Wrestling-a Asia Gold medalist Denic Lalruattluanga chungchang tarlangin Asia champion ten an dawn zat tur dawng mai tura a ngaih thu leh mi dang pawhin an dawn tur zat pe a, medal la ve ta lo pawh participation prize dawng tur a nih thu a sawi a. Kum 2022-a Mizoram sports incentive cash award scheme hi tun thlenga hman mek a nih thu sawiin rules 2001/scheme 2022 ah incentive cash award dawng thei tur bik sports discipline an awm bik lo a, Incentive cash award chu inelna a zira a siam a ni a, sports discipline base a siam a ni lo a ti.

Pu Robert Romawia Royte chuan eng sports discipline pawh Indian Olympic Association hnuaiia Sports Federation inziaklut te huaihawt leh hriatpui competition leh tournament a medal dawng a nih chuan Mizoram sports incentive cash award scheme 2022 angin sumfai lawmpuina an dawng tur a ni tih chiang taka ziahlan a ni, a ti a. Eng sports discipline tan pawh international competition a medal la te hian incentive cash award an dawng thei a, pawm chin tournament, games, championship erawh a ngai a ti a.

Olympic qualifying tournament tih loh zawng chu medal la pha kherlo pawh, a tel apiang chu Mizoram sports incentive cash award scheme 2022 angin sumfai lawmpuina an dawng thei vek a ni a ti.

<><><>

### **AIR NEWS ON SOCIALMEWDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

### **CAMPAIGN**

Jharkhand leh Maharastra Assembly inthlan atan Political Party ten campaign ngawrh takin an nei mek. Porty tin hruaituten hmun hrang hrangah vantlang inkhawm leh kawngzawh an nei a. Prime Minister Narendra Modia leh BJP senior leader Narendra Modia chuan vawiin khan Dhule ah thu a sawi a. Ram hmasawnaah hmeichhiate dinhmun chawikan chu a pawimawh hle a ti a. Pu Modia chuan sawrkarin hmeichhiate hamthatna turin tan a la nasa tih sawiin India

hmasawnaah hei hi tih makmawh a ni a ti a. Maharastra state hmasawna chak taka kal mek chu chhonzawm a ni ang a ti bawk.

Hetihlai hian NCP (SP) hotupa Sharad Pawar chuan vawin khan Wardha ah thu a sawi a. NCP (SP) hruaitu Supria Sule pawh Pune ah a campaign a ni. Maharastra-ah hian Assembly bial 288 ah tun thla ni 20 hian vote thlak a ni ang.

Inthlan thawhniha neihna tur Jharkhand-ah chuan vawin khan INDIA bloc candidate te tan Congress hruaitu leh Lok Sabha Opposition Leader Rahul Gandhi chuan Simdega ah thu a sawi a. Pu Gandhi-a chuan Assembly inthlan atana inbeihna chu ram danpui humhim duhtu leh tihchhiat tumtute inkar a ni a ti.

<><><>

#### **PRESIDENT ON CORRUPTION**

President Draupadi Murmu-i chuan eirukna nuai bo tura sawrkarin ngaihnathiamna awm lo policy a kalpui chu a tha tawh tih a sawi. Vawina New Delhi-a Central Vigilance Commission-in Vigilance Awareness Week 2024 a hmannaah he thu hi sawiin President Murmu-i chuan rinawmna leh mahni inthunna chu India mite nunphungah ngaihsan a hlawh hle a ti a. Eirukna leh hlemhletna chu natna anih thu sawiin a zung zawpa nuai bo a ngai a ti a. Sawrkar chuan eirukna do turin kawng hrang hrangin hma a la a ni a ti bawk.

<><><>